

SAGARA SONA.

১৩৫৮



“ Oh, who can tell, save he whose heart hath tried,  
And danced in triumph o'er the waters wide,  
The exulting sense—the pulse's maddening play.  
That throbs the wanderer of that trackless way.”

Byron.

# সাগর-সান।


শ্রী কৈলাসচন্দ্র মাইতি প্রণীত

ও প্রকাশিত।


শ্রীমতিলাল মণ্ডল কর্তৃক প্রকাশিত মুদ্রিত

২২১, কর্ণওয়ালিশ স্ট্রীট ; কলিকতা

১২৮৮ সাল।







২৬৩৫৮

ভূমিকা।

এই ক্ষুদ্র পুস্তকখানিতে গঙ্গাসাগর সম্বন্ধীয়  
যথার্থ ঘটনা মূলক কয়েকটি দৃশ্যের চিত্র চিত্রিত  
হইয়াছে। স্নান ঘাটের চিত্রটি কিঞ্চিৎ কুৎসিত ভাব  
সম্পন্ন হইয়াছে বলিয়া অনেকে আমাকে দোষী করিতে  
পারেন ; কিন্তু সত্যের অনুরোধে তাঁহাদিগকে সন্তুষ্ট  
করিতে পারিলাম না। যাহাতে সেই পবিত্র তীর্থ  
স্থানে আর ঐ রূপ ঘটনা না ঘটে এক মাত্র তাহাই  
আমার লেখনী ধারণের প্রধান উদ্দেশ্য।

পাঠক মহাশয় ! এই আমার প্রথম উদ্যম ;  
যদি আপনাদের অনুগ্রহ চিত্র দেখিতে পাই তবে  
পুনরায় লেখনী ধারণ করিব। নতুবা নিরাশা  
নীর্ধি-নীরে নিমগ্ন হইয়া এই প্রথম উদ্যমকে  
শেষ উদ্যমে পরিণত করিব। এই পুস্তক খানি  
লেখা সমাপ্ত হইলে আমার কোন আত্মীয় ব্যক্তি  
এক বার দেখিয়া দিয়াছেন তজ্জন্য তাঁহার নিকট  
আজীবন কৃতজ্ঞতা পাশে আবদ্ধ রহিলাম।

১২৮৮ সাল }  
৫ ই বৈশাখ }

শ্রীকৈলাসচন্দ্র মাইতি  
কামদেব নগর।





# সাগর স্মৃতি

সায়ংকাল

বহুদিন শুনিয়াছি, তীর্থের প্রধান  
কীর্তিমান সগরের কীর্তির নিদান

পবিত্র সাগর ধাম ;—

স্মরিলে বাহার নাম

পাপীগণ পাপ হতে মুক্তি লাভ করে ;  
হেরিব সে স্থান বড় বাসনা অন্তরে ।

একদা সায়াহ্ন কালে করিতে ভ্রমণ  
উদ্যানে বন্ধুর সহ করিনু গমন ।

নয়নের প্রীতিকর

স্বাভাবিক মনোহর,

হেরিয়া বিবিধ দৃশ্য প্রফুল্ল হৃদয়ে  
ভ্রমিলাম বহুক্ষণ একত্রে উভয়ে ।

অবশেষে দৌঁছে এক সরোবর তীরে  
বসিনু সানন্দে শ্রম দূর করিবারে ।

আমরি কি মনোহর

বেশ ধরি দিবাকর

যাইতেছে অস্তাচলে লোহিত বরণ  
শিখায়ে মানবে স্থখ নহে চিরন্তন ।

শোভিছে তাহার ছায়া সলিল ভিতরে ;

সরোজিনী কাছে যেন বিদায়ের তরে

উপস্থিত দিনকর ;

নাহি সে প্রথর কর,

করেছিল যাহে এই সাম্রাজ্য শাসন

নিয়তির কাছে সেও দুর্বল এমন !

নভোতলে মেঘমালা রক্তিম বরণ

প্রকৃতির শির শোভা প্রসূন ভূষণ,

শোভাপায় স্তরে স্তরে ;

যেন কোন শিল্পকরে

নিপুণতা দেখাইয়া পাবে পুরস্কার ;

সাজায়েছে তাই হেন করিয়া বাহার ।

কমলিনী কুমুদিনী ভগিনী দুজন,  
একের হাসিতে দেখ কান্দে অন্যজন ;

বিধাতার একি মায়া

ভগিনীর নাহি দয়া

ভগিনীর প্রতি, হার ! অদৃষ্ট লিখন  
কে হেন অভাগা আছে এদের মতন !

ক্রমে ক্রমে চারু চাঁদ আসি নভোতলে  
উকি মারি দেখিলেন উদয়ের ছলে ;—

পতি প্রেমে পাগলিনী

প্রেমময়ী কুমুদিনী

নাচিছে সরসি বক্ষে প্রফুল্লহৃদয় ;  
প্রাণ পতি আগমন জানিয়া নিশ্চয় ।

প্রণয়িনী কুমুদিনী মনস্থষ্টি তরে  
শশধর রাগ বাস পরিত্যাগ করে,

শুভ্র বর্ণ মনোহর

নয়নের প্রীতিকর

পরিচ্ছদে নিজ তনু ঢাকিয়া যতনে  
দেখা দিল প্রেয়সীরে গগন প্রাঙ্গণে ।

কিন্তু কুমুদিনী প্রেম আকর্ষণ বলে  
হইল না মনোস্থির থাকি নভোতলে ।

এলে কুমুদিনী কাছে,  
বিধি-ক্রোধ করে পাছে

এই ভয়ে চুপি চুপি সরসে আসিয়া  
লুকাইল শশধর কাঁপিয়া কাঁপিয়া ।

আহা মরি মনোহর অপূর্বশোভায়  
সাজিল সরসি সেই চারু চন্দ্রিকার ;

চারিদিকে দূর্বাদল  
শোভিল করি উজ্জ্বল ;

উজ্জ্বল হরিত বর্ণে চারু দরশন  
শ্যামল “ফেমেতে” বান্ধা দর্পণ যেমন ।

এইরূপ প্রকৃতির চারু শোভাচয়,  
হেরিয়া হইল মন প্রফুল্লতা ময় ;

ভাবিলাম এসংসারে  
স্বভাবই শোভা ধরে ;

নাহি কিছু এর তুল্য মানসমোহন  
হেরিব এশোভা করি দেশ পর্যটন ।



বলিলাম “বন্ধুবর ! এইত সময়  
যায় লোকে সাগরেতে শোভার আলয়  
আমরাও যাই চল  
অতল জলধি জল  
খেলিছে যেখানে তীব্র বায়ুর সহিত,  
ভাবুক জনাব মন করিতে মোহিত ।”

উত্তরিল বন্ধুবর স্তমধুর স্বরে  
ধ্বনিল সে ধ্বনি যেন ললিত সেতারে,  
“প্রিয়বর মম মনে  
প্রবল আবর্ত সনে  
বহিছে ও আশা স্রোত বহুদিনতরে  
ভাবিতেছি মনে মনে বলিব তোমারে ।”

“তোমারও সেই ইচ্ছা শুনিয়া এখন  
সুখ সরসির নীরে হইলু মগন ।  
চল যাই দুই জনে  
সেই পুণ্য নিকেতনে ;  
নয়ন পবিত্র-কর, মন আশামত  
হেরিব অতিথি আদি ব্রহ্মচারী কত ।

“আসি তবে প্রিয়বর বিদায় এখন  
যাইবার কালে পুনঃ হবে দরশন ।”

এই কথা বলি মোরে

কাতর করুণ স্বরে

বিদায় দিলেন, কিন্তু তাঁহার বদন  
রাহুগ্রস্ত শশী সম হইল তখন ।

হায় এই বিষময় দুঃখের সংসারে  
রাখিয়াছে বিশ্বপাতা দুঃখ দূর তরে

এক বস্তু মনোহর

মানসের প্রীতিকর

পবিত্র প্রণয় ; যথা জলধি মাঝারে  
আছে মুক্তা চিরকাল শুক্লি অভ্যন্তরে ।

বন্ধুর পবিত্র প্রেম ভাবিয়া ভাবিয়া  
আইলাম মনোদুঃখে আবাসে ফিরিয়া ;

কিন্তু সেই সুধাময়

বাক্যালাপ সমুদয়

একে একে হৃদি পটে করিয়া লিখন

যত পড়ি বোধ হয় ততই নূতন ।

## মাগর পথে ।

বহিছে মৃদুল বায়ু কাঁপাইয়া জল,  
চলিছে মাগরে স্রোত করি কল কল,  
খরতর রবিকর

করিতেছে থর থর

মরি কি সুন্দর আছা সূচারু দর্শন,  
নিস্তীর্ণ বালুকা ক্ষেত্র মধ্যাহ্নে যেমন !

চলিছে অনেক তরি তটিনী উপরে  
আলোড়ি মলিল রাশি ক্ষেপণির ভরে ;

শোভে তটে উচ্চতর

অট্টালিকা থরে থর,

প্রতিবিম্ব শোভে যার মলিল ভিতরে  
দেখে যেন নিজরূপ গর্বিত অন্তরে ।

ক্রমে অনুকূল বায়ু বহিল প্রবল  
দেখিয়া আহ্লাদে মত্ত নাবিক সকল ;

সুখে তুলে দিয়া পাল

বলে “ছেড়নাক হাল

চলুক চলুক তরি এই রূপ ভাবে  
বহুদূরে যাব তবু সন্ধ্যা না হইবে ।”

নাবিকেরা তার স্বরে আরম্ভিল গান,  
জলের কল্লোল সহ বায়ু ধরে তান,

“বিভূনাম কর সার

বিভু মর্কব মূলাধার

বিভুই বিপদ কালে বিপদ ভঞ্জন

বিভূনাম বিনা ভবে কে আছে আপন।”

থেকে থেকে পোত কত মাঝে মাঝে যায়

কলবলে আলোড়িয়া তটিনী হৃদয় ;

উঠিছে তরঙ্গচয় ;

নাবিকেরা পেয়ে ভয়,

তুফানের খর বেগ হ্রাস করিবারে

কত মত চেষ্টা করে বিবিধ প্রকারে ॥

কিন্তু তাহাদের যত্ন বৃথা সমুদয়

বালি বাঁধে কবে খর স্রোত বন্ধ হয় ?

টলে তরি হেন বলে

বোধ হয় যাই জলে

একবারে জন্মশোধ হইয়া বিদায় ।

আশ্চর্য্য ! খানিক পরে পূর্ব্ব ভাব হয় ।

চলিল সকল তরি স্ৰবাতাস পেয়ে  
পালভরে য়ুছু মন্দ হেলিয়ে ছুলিয়ে ;

যেমন কামিনী দল  
কক্ষে পূর্ণ কুম্ভ জল

করি যবে যায় মনি মধুর শোভায়  
হেলাইয়া দোলাইয়া অঙ্গ সমুদায় ।

এরূপে চলিয়া পাল ভরে বহুক্ষণ ;  
ক্রমে ক্রমে হেজোহীন হয়ে প্রভঞ্জন

চলিল বিশ্রাম আশে—

প্রেমিকা এসুন পাশে—

প্রেমস্বধা তরুতলে করিয়া শয়ন  
জুড়াইতে আপনার পরিশ্রান্ত মন ॥

অনেক যুবতী-পতি দেব দিবাকর  
সাজিয়া সুন্দর বেশে অতি মনোহর

প্রাণপ্রিয়া প্রতীচীরে

হাসিয়া আদর করে,

অপূর্ব সুষমা মাথা রক্তিম বসন  
পরাইল নিজ করে করিয়া যতন ।

প্রাচী সতী দেখি তাহা বিষাদে কাতর;  
মুদিল সূর্য মুখী নয়ন ভ্রমর ।

বিধির সুবিধি বলে

একমাত্র ধরাতলে

দিবাকর লভিতেছে দাম্পত্য প্রণয়  
করিয়াও ইচ্ছামত বহু পরিণয় ।

হেনকালে এক দ্বীপ শোভিল অদূরে,  
ভাবিলাম এই বুঝি আইনু মাগরে ;

তাড়াতাড়ি কর্ণধারে

বলিনু পুলক স্বরে

এই কি মাগর দ্বীপ ? সুন্দর দর্শন,  
কবিদের চির আশা কল্পনা কানন ।

উত্তরিল কর্ণধার, “কোথায় মাগর ?

মে যে আছে এখনও অনেক অন্তর,

ওই যে অনতি দূরে

অপরূপ শোভাধরে

দেখিছ যে দ্বীপ, ঘোড়া মারা \* নাম তার  
সাগরে যাইতে আছে এক ভাঁটা আর,

কিন্তু দেখিতেছি এই আসিছে জুয়ার  
অগ্রসর হতে তরি পারিবে না আর

ওই উপকূল ধারে

তরিগতি স্থির করে

করিয়া মনের স্থখে রন্ধন ভোজন  
পুনরায় ভাঁটা হলে করিব গমন ।

\* প্রবাদ আছে যে অতি পূর্বে কালে, কোন এক সাহেব ঘোটক পরিপূর্ণ দুই খানি জাহাজ লইয়া বিক্রয়ভিলাষে অষ্ট্রিয়া হইতে কলিকাতা-তিমুখে আসিতে ছিল, দৈবদুর্কিপাক বশতঃ তাহার জাহাজ দুইখানি এই দ্বীপের সন্নিকটে কোন চড়ায় ঠেকিয়া অর্ণবগর্ভসাৎ হওয়ায় অনেক গুলিন অশ্ব সম্ভরণ দ্বারায় এই দ্বীপে আসিয়া প্রাণ রক্ষা করিয়াছিল, কিন্তু অনতি বিলম্বে জোয়ারে জলমগ্ন হওয়ায় সমুদায় অশ্ব পুনরায় ভাসমান হইয়া অর্ণব-গর্ভে প্রাণত্যাগ করিয়াছিল তদবধি ইহা এই নামে প্রসিদ্ধ । অধুনা জনগণের আবাস স্থান হইয়াছে ।

উপকূল ধারে তরি করিলে গমন,  
যতনে করিল সবে নঙ্গর বন্ধন ;

জলচর পাখীগণ

মনোস্তখে বিচরণ

করিতেছে শত শত সেই উপকূলে ;  
সাঁতারিছে আরো কত জলধির জলে ।

শোভিছে পাদপ শ্রেণী উচ্চ করি শির,  
কাঁপাইয়া অগ্রভাগ খেলিছে সমীর ;

সলিল নীলিমাগয়

নীলবর্ণ সমুদয়

আকাশের প্রতিবিন্দু প্রতি ফলকিত ;  
হেরিলে মানস-প্রাণ হয় বিমোহিত ।

রক্তবর্ণ দিবাকর পশ্চিম সাগরে  
রাখিয়া সোনার থাম বারিধি মাঝারে

জানাইল পাখীগণে

“যাও সবে নিজস্থানে ।”

পরিয়া ধূসর বাস প্রদোষ তখন  
অসংখ্য আলোকে পূর্ণ করিল গগন ।



শশধর নভস্থলে হইল উদয়  
 নিরখি বারিধি অতি প্রফুল্লহৃদয়  
 আনন্দাশ্রু শতধারে  
 ছুটাইল বেগ ভরে  
 তাহে যেন নদী-গর্ভ হইয়া পূরণ  
 কল কল শবদেতে করিল গমন ।  
 এ দুঃখ-সংসারে সুখ চিরস্থায়ী নয়  
 সুখ পরে দুঃখ আছে বিধি-বিধি কয় ।  
 ক্রমে বহুক্ষণ পরে  
 নিস্তেজিয়া নিছ করে  
 শশধর কালমুখে করিল গমন  
 বারিধির সুখ অশ্রু করিয়া শোষণ ।  
 খুলিল সকল তরি, চলিল ভাঁটায়  
 ক্ষেপণিতে ছিন্ন করি লহরি মালায় ।  
 ক্রমে অনুকূল বায়  
 বহিল মৃদুল হায়  
 পালভরে এতদূরে করিনু গমন  
 কেবল নিরখি সেথা সলিল গগন ।

হেনকালে কাল মেঘ আসিয়া আকাশে  
আচ্ছাদিল চারিদিক চক্ষুর নিমেষে ।

সুখদায়ী সমীরণ

করি শব্দ শব্দ শব্দ

অতি ভয়ঙ্কর রূপে বহিল প্রবল  
হইল অসমতল জলধির জল ।

থেকে থেকে চপলার মূর্তী মোহন  
চমকিয়া নভো তলে হয় অদর্শন ।

বিপুল বিক্রমে ঘন

করে ঘন গরজন ;

মাবো মাবো হয় কত অশনি পতন  
হুড়ু হুড়ু হুড়ু হুড়ু শব্দ ভীষণ ।

তরঙ্গের কোলে ক্ষুদ্র ভেলার সমান  
নাচিতে লাগিল তারি কাঁপাইয়া প্রাণ ।

রমণীরা উচ্চস্বরে

“হায় প্রাণ যায়” স্বরে

ক্রন্দন করিল কত করিয়া চীৎকার  
প্রতিধ্বনি চারিদিকে ছুটিল তাহার ।

নিরখিয়ে দেখি ক্ষণ-প্রভার প্রভায়  
 হায় কি ভীষণ দৃশ্য হৃৎকম্প হয় ;  
 হায় ! হাঁস ফাঁস করে  
 ভাসিয়া জলধি'পরে  
 শত শত লোক,আহা ! ক্ষণে দৃষ্ট হয়  
 ক্ষণে তরঙ্গের কোলে কোথায় লুকায় ।  
 ক্রমে ক্রমে বায়ু গতি পরিবর্ত্ত হয়  
 সবগে শব্দ করি থেকে থেকে বয়,  
 বোধ হয় তার যেন  
 অনুতাপে দগ্ধ মন  
 নির্দোষী মানবগণে করিয়া বিনাশ ;  
 দুঃখ প্রকাশিছে ছাড়ি সুদীর্ঘ নিশ্বাস ।  
 মরুতের হেন দশা করি বিলোকন  
 জীমূত মনের দুঃখে করিল রোদন  
 বার বার বার বারে  
 অশ্রুজল শত ধারে  
 ঝরিল তাহার চক্ষে, মরিকি সুন্দর ;—  
 পড়িল বারিধি মাঝে নক্ষত্র নিকর ।

তবু তবী পাল ভরে চলিল সজোরে  
 বিহঙ্গ যেমন যায় অম্বর উপরে  
 কিম্বা গাড়ী কলবলে  
 যেইরূপ বেগে চলে  
 নিষ্কপিয়া দূরদেশে সুন্দর-দর্শন  
 স্বভাবের শোভাচয় মানস মোহন !  
 ক্ষণ পরে দেখি বহু আলোক অদূরে  
 শোভিতেছে ছায়া যার সলিল ভিতরে ।  
 তরণীতে তারস্বরে  
 সানন্দে চীৎকার করে  
 বলিল অনেকে “এই আইনু সাগরে”  
 ওই দেখ দীপ-মালা শোভিতেছে অদূরে  
 ক্রমে আনন্দের ধ্বনি বায়ু সহকারে  
 প্রতিধ্বনি বহিলেক প্রফুল্ল অন্তরে  
 বেগে তরি বায়ু বলে  
 উপস্থিত উপকূলে  
 হইল ক্ষণিক পরে ত্বরিত গমনে ।  
 কে বলিবে কত সুখ যাত্রীদের মনে !!

## সাগরের দৃশ্য ।

প্রভাতিল বিভাবরী ; প্রাতঃসমীরণ

সরসর্ শবদেতে করে বিচরণ ;

কুজ্বাটিকা সমাচ্ছন্ন

মনোহর নীলবর্ণ

শোভিত বারিধি-গর্ভ অপূর্ব-শোভায় ;

হেরিয়ে ভাবুক মন বিমোহিত তায় ।

শত শত পাখিগণ করিতেছে গান,

শুনিলে শাতল হয় তাপিত পরাণ ।

আহা কিমে দ্বীপ-শোভা

হইয়াছে মনোলোভা

যেন নীল নভ স্তলে চন্দ্রমা উদয়

পূণ্যদা পূর্ণিমা পেয়ে পূর্ণকলাময় !

শোভিছে দক্ষিণ পূর্বে অনন্ত সাগর ;

পশ্চিমে নিবিড় বন অতি ভয়ঙ্কর ;

উত্তরে কিঞ্চিৎ দূরে,

বালুচর ধূধুকরে

শোভিতেছে উপকূলে তরি শত শত,

পতাকা উড়ায়ে বক্ষে মরি কি অদ্ভুত !

ক্রমে ক্রমে পূর্ব দিক লোহিত বরণ  
পরিল রক্তিম বস্ত্র মানস রঞ্জন ;

নভস্তল স্থিত ঘন

হয় চারু দরশন

মাখিসে রক্তিম ভাতি আপনার গায়  
মরিকি সুন্দর শোভা ধরিয়াছে হায় !

তরু হতে টস্ টস্ পড়িছে শিশির  
কান্দে কুমুদিনী দুঃখে, চক্ষে বহে নীর

দিবাকর আগমনে

কমলিনী দুঃখমনে

কহিছে কাতর স্বরে ফুঁ ফিয়া ফুঁ ফিয়া

“যেওনাক প্রিয়তম আমারে ত্যজিয়া !!!”

“বিগত যামিনী যোগে সরোবরে মোরে  
নিরখি নিষ্ঠুর বায়ু প্রফুল্ল অন্তরে

কহিল প্রেমের কথা,

লাগিল অন্তরে ব্যথা,

বলিলাম ‘দুরাচার পাপিষ্ঠ পবন

দূরহও, করিওনা মোরে জ্বালাতন ।’

সক্রোধে ভীষণ মূর্তি ধরিয়া তখন,  
প্রবল প্রতাপে মোরে করে আক্রমণ ।

এই দেখ পর্ণদলে

ছিড়িয়া ফেলেছে বলে,

দিয়াছে অন্তরে মম দারুণ বেদন,

আর কারে কব নাথ কে আছে আপন !”

শুনি দিবাকর যেন রাগে থর থর

কাঁপিয়া কহিল “কোথা পাপিষ্ঠ পামর,

নিশ্চয়ই আজি তারে

থর-তর-কর-শরে

বিধিমতে গুরুদণ্ড করিব বিধান ।

সাক্ষাতে দেখিবে তুমি তার অপমান ।”

ছুটিল প্রথর-কর উজলিয়া দিশ ;—

মারে ভস্ম করিবারে যেরূপ গিরিশ

প্রকাশিল তেজো রাশি,

সমাধি ব্যাঘাতে রুষি ;

সমীরণ প্রাণ ভয়ে হইয়া কাতর,

বহিতে লাগিল মূঢ় থর থর থর ।

নিরখিয়া এই রূপ সুন্দর দর্শন  
 সেদিনের মত সুখী হইলনা মন ;—  
 যেইদিন বন্ধুগনে  
 ভ্রমিয়ে প্রফুল্ল মনে,  
 উদ্যান মাঝারে হেরি চারুদর্শন ।  
 আনন্দ রসেতে সিক্ত হয়েছিল মন ।  
 বুঝিলাম বন্ধু-হীন সুখ নাহি পায় ।  
 হায় কেন প্রতারণা করিনু তাঁহায় ;  
 হয় মম রক্ষা তরে  
 ডাকিছে পরমেশ্বরে,  
 নয় মিথ্যাবাদী বলে কত কুবচন  
 বলিতেছে প্রিয় সখা হয়ে ক্রোধ মন ।  
 এই রূপে বন্ধুবরে করিয়া স্মরণ  
 করিতেছি মনোদুঃখে সেখানে ভ্রমণ ;  
 কি বলিব হেন কালে,  
 প্রিয়সখা পাণি তলে  
 ধরিল আমার, মরি বিরহে যাঁহার,  
 দর্শনে বাক্যস্ফূর্তি হইলনা তাঁর ।



সাগর স্নান

৩-৬৫৮

২১

৫/১২/১৯৫৫

এই রূপ দশাপন্ন হেরিয়া আমারে  
দেখা দিল যুঁহু হাসি তাঁহার অধরে ।

বলিলেন “এ সংসারে

পঙ্কিল সরসি'পরে

প্রণয় কমল, আহা অতি মনোহর  
সকল সময়ে ইহা বড় প্রীতি কর ।

বুঝিলাম দেখি তব অবস্থা এখন  
তুমিও হয়েছ দুঃখী আমার মতন ;

তবে বল কি কারণে

আসিয়াছ এই স্থানে

করি প্রতারণা মোরে, বল প্রিয়বর  
বন্ধুর কি এই রীতি ভুবন ভিতর ?

নত করি নিজ মাথা বিষম লজ্জায়  
বলিলাম, “প্রিয়বর ! ক্ষমিবে আশায় ।

যেই দিন তব সনে

প্রান্তরে প্রফুল্ল মনে

ভ্রমিয়া করিনু স্থির আসিব সাগরে

গ্রাসিল বিষম চিন্তা আসিয়া আমারে ।



ভাবিনু সাগর-পথ অতীব-ভীষণ  
শুনিয়াছি, এই কথা বলে জনগণ ।

ভীষণ লহরী মালা

যেখানে করিছে খেলা

তথাযদি তরি সহ হই নিমগণ,  
সখারও হবে দশা আমার গতন ।

ডুবিল একূপে মন ভাবী আশঙ্কায় ;  
কারে বা জিজ্ঞাসি আর ইহার উপায়

চিন্তা মরে বহুক্ষণ

ভাসিয়া ব্যাকুল মন

করিলাম স্থির ;—একা যাইব সাগরে  
প্রিয়বন্ধু যাইবেনা না হেরি আমারে,

এই রূপে চিন্তায়ুক্ত ব্যাকুলিত মনে  
ভাসিলাম আশা ভরে ক্ষুদ্র তরিসনে

নহিলে কি পানিবল

তোমারে করিয়া ছল

আসিতে এখানে, প্রিয় ক্ষম অপরাধ  
দূর কর এই মম মনের বিষাদ ।

## স্নান ঘাট ।

আহা কি আশ্চর্য্য শোভা অতি মনোহর  
স্নান ঘাট হেরি আজি যুড়ায় অন্তর

সন্ন্যাসিরা শত শত

তর্পণে হয়েছে রত

কেহবা মাখিছে কাদা নিজ নিজ গায় \*

কেহবা সলিলে নামি ডাকে গঙ্গামায় ।

কোন কোন ব্যক্তি পিতৃ পুরুষের তরে

শাস্ত্রবিধি মত শ্রাদ্ধ তর্পণাদি করে ।

পবিত্র লইয়া হস্তে

ফেলি জল আন্তেবাস্তে,

শত শত ব্রাহ্মণেরা করিছে তর্পণ,

যোড় হস্তে সারি সারি মুদিত নয়ন ।

---

\* কোন পবিত্র তীর্থস্থানে স্নান করিবার অগ্রে  
উপকূলস্থ সজল মৃত্তিকা মস্তপূত করিয়া সর্কাদে  
লেপন পূর্বক স্নান করিতে হয় ।

খানিক থাকিয়া তথা করিনু দর্শন,  
ইহাদের কারো কারো মুদিত নয়ন  
দেখিতেছে নারীগণে ।

যেন ক্ষণ প্রভা ক্ষণে

চমকিয়া নভতলে হয় অদর্শন,  
ডুবাইয়া অন্ধকারে এভব ভুবন ।

শত শত বিধবারা আসিছে সেখানে  
কেহ দীনা ক্ষীণা কেহ প্রফুল্লিত মনে ।

আরও কত নারীগণ

অতি প্রফুল্লিত মন

আসিছে সেখানে, আহা এলাহিত কেশ  
অধরে মধুর হাসি মনোহর বেশ ।

আসিতেছে দলে দলে কুল বধূগণ  
ছড়াইয়া স্মধুর ভূষণ-শিঞ্জন

পদনিষ্ফেপের সঙ্গে

গল্প চলে নানা রঙ্গে

মুখ দেখাবার তরে ব্যাকুলিত মন  
সলাজে ঘোমটা করিয়াছে পলায়ন ।

কারো হাতে নারিকেল\*কারো পুষ্প-মালা

কেহ বা লয়েছে স্মখে সাজাইয়া ডালা

কেহ শিব-পূজাতরে

বিল্বপত্র আদিকরে

সাজায় মনের স্মখে করিয়া যতন

কারো হাতে পরিধেয় চিকণ বসন ।

কেহবা সশ্মিত মুখে বসি উপকূলে

দেখাইছে দীর্ঘকেশ পরিষ্কার ছলে

চঞ্চল নয়ন কোণে,

দেখিছে যুবকগণে,

কুলমান লজ্জাশীল দিয়া বিসর্জন—

বসিয়াছে খুলি নিজ বক্ষের বসন ।

শত শত নারীগণ নামিছে সলিলে,

“ত্রাণ কর ভাগিরথি !” এই কথা বলে ।

কেহ পুত্র কোলে করি

নামিতেছে ধারি ধীরি,

\* কথিত আছে যে গঙ্গাসাগরে নারিকেল প্রভৃতি  
ফল ভাসাইলে বক্ষ্যারাও পুত্রবতী হয় ।

যতনে রক্ষিত করি পিঙ্কন বসন  
 বায়ু যাহা উড়াইতে চায় অনুক্ষণ ।  
 কোন খানে লজ্জাহীনা রমণী সকল  
 বসিয়াছে শীত ভয়ে এক এক দল ;  
     তাহাদের পরিধান,  
     স্বকৌশলে নিরমাণ ;  
 আছে কিনা আছে অঙ্গে নাহি জানা যায় ;  
 মনোদুখে বসি সবে মনোদুঃখ গায় ।  
 কেহ বলে “ওলো দিদি বহুদিন পরে  
 শীতল হইল মন আসিয়া সাগরে,  
     তোমাদের অদর্শনে,  
     এতদিন ক্ষুণ্ণমনে,  
 যেরূপে কেটেছি কাল কহিব কি করে,  
 আসিয়াছি বিবাদেতে বিমুখি স্বামিরে ।”  
 “যদি হেন দুচারিটা তীর্থ না থাকিত  
 তাহইলে আমাদের কি দশা হইত ?  
     ধন্যরে ইংরাজবাল।  
     স্বামি সঙ্গে করে খেলা ।

আমরা পিঞ্জর মধ্যে বদ্ধ বিহঙ্গিনী,  
গৃহ কাণাগারে মরি দিবস রজনী ।”

আর এক জন বলে “কি কহিব হায়  
স্বার্থপর পুরুষেরা পামর নির্দয়

তাহারাই শাস্ত্রকার

তাই হেন কু আচার ;—

স্ত্রী মরিলে তারা সবে করে পরিণয়  
আমাদের বেলা হায় বিপরীত হয় ।”

এই রূপ তাহাদের বাক্যালাপ কত  
হইতেছে মনস্বখে মন ইচ্ছামত ।

এদিকে যুবকদল

বাহিরিল বাঁধি দল

নারীগণে দেখি আগে বাহির হইতে  
জলদ আইসে যথা বিদ্যুৎ পশ্চাতে ।

গামোছা সবার হস্তে ; হাসিভরা মুখ,  
বিদারিয়া বাহিরিছে অন্তরের সুখ ;

দলে দলে স্নানঘাটে

সকলে আসিয়া যোটে

চারিদিকে দেখি যত কুলবধুগণে  
কহিছে মনের কথা সহচর সনে ;—  
এক জন বলে “ওই দেখ যে রমণী  
গোলাপ ফুলের মত গোলাপবরণী” ।

কেশরাশি বামকরে,  
জলে পরিষ্কার করে,

“ভাসায়ে রেখেছে মুখ সলিল উপর  
বেন সরোজিনী, সর-বক্ষ-শোভা-কর ।

“হেরিয়া উহার এই রূপ মনোহর,  
আছে কি কাহার (ও) হেন কঠিন অন্তর,  
যাহারে না ফুলবাণ  
প্রহারয়ে ফুলবাণ

“যার হৃদি মাঝে এই চিত্র না বিরাজে  
আছে কি এমন কেহ মানব-সমাজে ?”

আর একজন বলে “ওই যে কামিনী  
স্বর্ণ-টাঁপা সগবর্ণ মধুর হাসিনী  
সলিলে সঙ্গিনী সনে,  
অতি প্রফুল্লিত মনে,



বলিছে কি কথা দেখ অতি ধীরে ধীরে  
 খেলিতেছে হাসি ওই রক্তিম অধরে ।  
 হেরিলে উহার ওই হাসিভরা মুখ  
 থাকে কি কাহারো মনে মনের অস্থখ ?

ইচ্ছা করে ধনজন,  
 ত্যাগ করি অনুক্ষণ,

করিগে তপস্যা ওর প্রেম লাভ তরে  
 লভিল নিষাদ যথা স্মৃতি সতীরে ॥

“ওই দেখ ওই দেখ কেমন সুন্দর—  
 (উত্তরের বায়ু বলে উড়িল অম্বর !)

মনোহর বক্ষ স্থল ;—

যেন দুই শতদল

কলিকা উপরে বসি দুই শিলিমুখ  
 পরিমল না পাইয়া আছে উর্দ্ধমুখ ।

এইরূপ আরো কত কুৎসিত বচন  
 বলিতেছে যুবকেরা প্রফুল্লিত মন

শুনিলে সে সব কথা

মরমে উপজে ব্যথা

ভাবিয়া যুবক দশা ব্যাকুলিত মন  
 তাই রাখিলাম তাহা করিয়া গোপন  
 তটদেশে পাণ্ডাদের বিগ্রহ মূর্তি  
 প্রণমিয়া নম্রভাবে অনেক যুবতী  
 তুলসী পুষ্প চন্দন  
 লইছে করি যতন  
 অবস্থা বিশেষে কিছু করি প্রতিদান  
 করিতেছে সকলেই স্বস্থানে প্রস্থান ।

## কপিল দর্শন ।

অপরাহ্নে বন্ধুসহ বাজার ভিতর  
 চলিলাম অতিশয় প্রফুল্ল অন্তর  
 অসংখ্য বিপণি সারি  
 শোভিতেছে মনোহারী  
 পণ্যদ্রব্য-পরিপূর্ণ সুন্দর দর্শন  
 দর্শকগণের মন করে আকর্ষণ ।

আসিছে যাইছে তথা ক্রেতা শত শত,  
কিনিবারে দ্রব্য নিজ নিজ ইচ্ছামত,

কত আসে কত যায়,

বিরাম নাহিক তায়,

দোকানিরা অতিশয় আনন্দিত মন  
ভদ্র লোকে আদরে করিছে সম্বোধন ।

দুই পার্শ্বে নানাবিধ পণ্যদ্রব্য চয়  
নিরখিয়া যাইতেছি সানন্দ হৃদয় ।

শত শত জনগণ

করিতেছে বিচরণ

সকলেই হৃষ্টচিত্ত প্রফুল্লতাময়  
যেন এ নূতন সৃষ্টি হেরি বোধ হয় ।

হেনকালে একজন প্রাচীন ব্রাহ্মণ,  
দূরহতে আমাদের করি নিরীক্ষণ,

কাছে আসি যুত্বরে,

জিজ্ঞাসিল সমাদরে,

“করেছেন আপনারা কপিল দর্শন ?

সাগরে উপাস্য দেব বিখ্যাত ভুবন ।”

বলিলাম “আসিয়াছি নূতন এবার  
কোথায় কি আছে নাহি জানি সমাচার  
তখন প্রফুল্ল মনে

“আসুন আমার সনে”

বলি চলিলেন তিনি ত্বরিত গমনে,  
আমরাও পাছে পাছে গেলু দুইজনে ।

কণ্টক আকীর্ণ পথ, মাঝে মাঝে তায়  
ছেদিত গুল্মের অংশ বাধালাগে পায়

তবুও তাহার সনে,

কপিলের দরশনে,

চলিলাম অতিশয় ত্বরিত গমনে,  
কৌতূহল সহ, অতি প্রফুল্লিত মনে ।

অবশেষে সেইখানে হয়ে উপস্থিত,  
হেরি সে সুন্দর শোভা হইলু মোহিত ।

শত শত জনগণ,

করিতেছে বিচরণ,

মাঝে মাঝে উঠে কত “জয় জয় ধ্বনি”

কাঁপায়ে সাগর জল, আকাশ, অবনি ।

কপিলের প্রতিমূর্তি খোদিত প্রস্তরে  
 মাথায় জটার ভার রঞ্জিত সিন্দূরে  
 যোড় ভাবে দুই হস্ত  
 হৃদয়ে রয়েছে ন্যস্ত  
 মুদিত নয়ন দুটী, ভাবিছে যেমন  
 পরম ঈশ্বর দেব বিভূর চরণ ।  
 দর্শকেরা শত শত আসি সেইস্থানে,  
 প্রণমি ভকতি ভাবে তাঁহার চরণে,  
 যথা-সাধ্য দেয় ডালা,  
 সচন্দন ফুলমালা,  
 সন্ন্যাসীগণের হাতে নিবেদন তরে;  
 কিন্তু তারা রাখি কিছু ফিরেদেয় তারে ।  
 রমণীরা সেই মূর্তি দরশন আশে  
 প্রফুল্ল অন্তরে সবে যায় অন্য পাশে ।  
 মধ্যদেশে ব্যবধান  
 আছে চাঁচ দুইখান  
 পুরুষে নিষিদ্ধ যেতে তাহার ভিতরে  
 যতিত্রয় নিয়োজিত রক্ষাকার্য্য তরে ।

ক্ষণকাল এই সব করিয়া দর্শন  
বাহিরিনু দুইজনে প্রফুল্লিত মন

দেখিলাম কিছু দূরে

উচ্চ এক বেদী'গরে

শ্বেতাস্ত্র মানব এক শ্বেত শ্মশ্রু ধারী  
সুশোভিত শ্বেত বস্ত্রে অতি মনোহারী ।

চারিদিক জনগণ করেছে বেষ্ঠন  
এক দৃষ্টি শুভ্রমুখ করে নিরীক্ষণ ।

দেখি মোরা দুইজনে,

উপনীত সেই খানে,

হয়ে শুনিলাম কত উপদেশ তাঁর ।

“প্রতিমা পূজকগণ ভ্রমের আধার ।”

“ওহে শ্রোতৃবর্গ তোমাদের কুসংস্কার  
সব বলি হেন সাধ্য কি আছে আমার !!

তবু কিছু বলি শুন

তোমাদের দোষ গুণ

যাহাতে তোমরা সবে বুঝিবে নিশ্চয়

দেব পূজা আদি যত সব ভ্রম ময়”

“দেবতা তেত্রিশ কোটি চিরকাল তরে  
 আছে তোমাদের পূজ্য ভারত ভিতরে  
 যবে রাজা যুধিষ্ঠির  
 পাইল দেব-শরীর  
 অবগাহি শ্বেত দ্বীপে পুণ্য সরোবরে  
 স্থান খালি ছিল কিহে দেবের মাঝারে ?”

“ভোজরাজ কন্যা কুন্তী অনূঢ়া কামিনী”  
 ধর্ম, দিবাকর, আদি পঞ্চ দেব মণি—  
 ধর্মনষ্ঠ করে তার ;  
 এই কথা শাস্ত্রকার

বলিয়াছে তোমাদেরে ; যথার্থ বচন  
 হইত যদ্যপি তবে বল কি কারণ  
 স্ত্রীর বহু পতি দোষ ? আরোদেখ তায়  
 দিবাকর পুত্র ধর্ম, তব শাস্ত্রে কয় ।

তবে বল কি প্রকারে  
 পিতা পুত্রে একাধারে  
 করিল সন্তানোৎপত্তি ? যদি দেবতার  
 সহবাসে নাহি দোষ, তবে অহল্যার

“পাষণ মুরতী কেন ? কেন পুরন্দর  
 ধরিল সহস্র চক্ষু দেহের উপর ?  
 কেনই বা শশধর  
 কলঙ্কিত কলেবর ?

আরো শত শত হেন কুৎসিত বচন  
 প্রত্যয় করহ সবে করিয়া যতন ।

“শুন মম উপদেশ যথার্থ বচন,  
 দেব পূজা আদি যত সব অকারণ  
 ব্রহ্মাণ্ড সৃজন কর্তা  
 প্রাণীগণ প্রাণদাতা  
 যাহার আজ্ঞায় সদা বহিছে বাতাস ;  
 যাহাতে আমরা বাঁচি ছাড়িয়া নিশ্বাস ।

যাহার আজ্ঞায় চন্দ্র সূর্য্য নভতলে  
 ছড়াইছে তাঁর জ্যোতি কিরণের ছলে ।

হয়ে সবে একমন  
 তাঁর নাম সংকীৰ্ত্তন



তাঁর গুণ গেয়ে সদা সময় কাটাও  
নারীর আনীত পাপে \* দূরেতে ফলাও ;

ভাবিওনা মনে আমি আৰ্য্য ঋষিগণে  
মিন্দা করিতেছি এই ভ্রমের কারণে ।

বুদ্ধিমান ঋষিগণ

কেন বলেছে এমন

তাহার কারণ শুন, তাঁদের সময়  
অজ্ঞতা-আঁধারে ধরা ছিল তমোময় ।

মূৰ্খ হবে নিজ মনে করিতে ধারণা  
নিরাকার জগদীশে কখন পারেনা ।

তাই তাহাদের তরে

বিজ্ঞতার সহকারে,

করেছেন এই রূপ দেবতা নির্ণয়  
না পূজিলে দণ্ড পাবে দেখাইয়া ভয় ।

\* বাইবেলের মতে স্ত্রীলোকের দ্বারা এই  
পৃথিবীতে প্রথমে পাপ আসিয়াছে ।

সামান্য সে দণ্ডনয় ; নিষ্ঠুর শমন  
 অনন্ত অনলে সদা করিবে দাহন ;  
 সবলে ধরিয়া তুণ্ডে,  
 ডুবাইবে মলকুণ্ডে,  
 ভীষণ মূর্তি যমদূত নিরদম ।  
 শুনিলে সে সব কথা কাঁপয়ে হৃদয় ।  
 ইচ্ছাছিল তাঁহাদের সময়ে তোমরা  
 বুঝিবে যথার্থ তত্ত্ব ; দেবপূজা করা  
 মাত্র প্রবেশের দ্বার ;  
 অনন্ত চিন্তার তাঁর  
 আশ্চর্য্য এ তোমাদের দুর্বুদ্ধি কেমন,  
 মনে ভাব দেবপূজা মুক্তির কারণ ।  
 আজি কাল নাহি আর সেই সব দিন  
 'ব্রাহ্মণ ব্যতীত সবে হবে শিক্ষাহীন'  
 তাই বলি কেন আর  
 পূজা কর দেবতার  
 স্মর জগদীশ নাম মুক্তির আধার  
 তাঁর নাম বিনা আর সকলি অসার ।

## • সায়ং শোভা ।

৩৯

আইল প্রদোষ পরি ধূসর বসন,  
যামিনীর আগমন করিতে ছাপন ;

নিরমল নভস্তলে

অসংখ্য আলোক ছেলে ;

প্রতীক্ষা করিছে ধনী রজনীর তরে ।

ফেরুপাল দূরবনে গভীর ফুকারে ।

শত শত খদ্যোতিকা বারিধি হৃদয়ে

খেলিতেছে নিজ নিজ প্রতিবিশ্ব লয়ে

মুচ মন্দ ধীরে ধীরে

সর্মীরণ থবে থরে

বহিতেছে কাঁপাইয়া জলধির জল

কূজন সঙ্গাতে মগ্ন বিহঙ্গ সকল ।

থেকে থেকে মন্যামীর “কপিলের জয়”

বালিয়া করিছে দিক প্রতিধ্বনি ময়

শঙ্খ ঘণ্টা আদি কত

বাদ্যধ্বনি অবিরত

উঠিছে সকল দিকে ব্যাপিয়া আকাশ

অগণিত দীপমালা হইছে প্রকাশ ।

নিকটে সন্ন্যাসীগণ দীপ্ত হুতাশন ;

জ্বলিয়াছে স্থানে স্থানে চারুদরশন

জ্বলিছে ইক্ষন রাশি

উজল করিয়া দিশি

চারি ধারে ঋষি সবে করিয়া বেষ্ঠন

বসিয়াছে নাশিবারে শীতের পীড়ন ।

অনেকে তাদের মাঝে টানিছে তামাক ;

কেহ বা টানিয়া গাঁজা বিশেষ্বরে ডাক

ছাড়িতেছে ঘন ঘন ;

সবে প্রফুল্লিত মন ;

চলিতেছে নানামত কথোপকথন ;

কেহবা অভীষ্ট মন্ত্র করে উচ্চারণ ।

শোভিছে অনতি দূরে দারু সিংহাসনে

দেব মূর্তি নানাগত সজ্জিত প্রসূনে ;

শোভিছে উপরে তার

চন্দ্রাতপ চমৎকার ;

জ্বলিতেছে সারি সারি কত দীপ মালা ;

প্রকৃতি গেঁথেছে যেন তারকার মালা ।

এই রূপ সাগরের বিবিধ স্রষমা  
পাইনু যে সুখ হেরি নাহিক উপমা ;  
জগদীশ দয়া কর  
এই রূপ বার বার  
দেখি যেন চক্ষুচক্ষে মহিমা তোমার  
পাপকন্মুে যেন মন না যায় আমার ।



—

